

Na osnovu Zakona o Udruženjima i Fondacijama (Službene novine federacije BiH br. 45/2002) Skupština Udruženja građana češkog porijekla «Česka beseda», Sarajevo, na Skupštini održanoj 30. juna 2007. godine u Sarajevu, usvojila je izmjene Statuta i objavljuje: **Statut sa izmijenjenim tekstom**

STATUT
Udruženja građana češkog porijekla »Česka beseda« - Sarajevo
Spolek občanu českého původu «Česka beseda» - Sarajevo

OPĆE ODREDBE

Član 1.

Udruženje građana češkog porijekla «ČEŠKA BESEDA» Sarajevo (u daljem tekstu Udruženje) je dobrovoljno i otvoreno vanstranačko udruženje u kojem se organizuju građani Kantona Sarajevo radi ostvarivanja ličnih (osobnih) i zajedničkih interesa i izražavanja svojih nacionalnih prava, kulturnih i humanitarnih kao i drugih potreba i interesa u skladu sa Zakonom i ovim Statutom.

Rad Udruženja je javan i ostvaruje se na način utvrđen ovim Statutom.

Član 2.

Udruženje «ČEŠKA BESEDA» je sljedbenik društva «ČESKA BESEDA» koje je bilo osnovano u Sarajevu dana 05.11.1905. godine.

Udruženje djeluje i stupa u pravnom prometu pod nazivom: Udruženje građana češkog porijekla «ČESKA BESEDA», Sarajevo.

Spolek občanu českého původu «ČESKA BESEDA», Sarajevo.

Član 3.

Udruženje ima status pravnog lica kojeg stiče upisom u registar udruženja koji vodi kantonalni organ.

Samostalno istupa u pravnom prometu u svoje ime i za svoj račun sa potpunom odgovornošću.

Član 4.

Udruženje može inicirati osnivanje i udruživati se u saveze srodnih udruženja i povezivati se na druge načine sa organizacijama u BiH i inozemstvu radi njegovanja tradicije češkog naroda, učenja češkog jezika, razvijanja prijateljstva i dobrih međusobnih odnosa u oblasti kulture, prosvjete, nauke, umjetnosti, zdravstva, tehnike, ekonomije, turizma, sporta i humanitarnih odnosa.

Svojim aktivnostima Udruženje će putem unapređivanja poslovne saradnje sa češkim partnerima doprinosti bržoj ukupnoj obnovi BiH.

Odluka o udruživanju i organizacionom povezivanju donosi Skupština Udruženja.

Član 5.

Sjedište Udruženja je u Sarajevu, ulica Envera Šehovića 8.

Član 6.

Udruženje ima svoj pečat, znak i žiro račun (u KM i devizama).

Pečat Udruženja je okruglog oblika promjera 5 cm i mali pečat promjera 2.5 cm. U pečatu se nalazi znak Udruženja sa tekстом ispisanim latinicom na bosanskom i češkom jeziku:

Udruženje građana češkog porijekla «ČEŠKA BESEDA» Sarajevo.

Spolek občanů českého původu «ČESKA BESEDA» Sarajevo.

Dan Udruženja je 28. septembar /rujan), Dan sv. Václava, zaštitnika češkog naroda.

PROGRAMSKI CILJEVI I DJELATNOST

Član 7.

Udruženje ostvaruje programske ciljeve i djelatnost u skladu sa pravnim normama Države BiH - Ustavom, a posebno sa Zakonom o udruženjima i fondacijama.

Član 8.

Udruženje će se zalagati da vlastitim aktivnostima i saradnjom sa drugim subjektima stvara uvjete za svestrano izražavanje interesa i potreba članova Udruženja. Radi toga Udruženje će, shodno svojim kadrovskim potencijalima, organizacionim uvjetima i materijalnim mogućnostima, putem tanznih djelatnosti organizirati i razvijati slijedeće aktivnosti:

- naučne, prosvjetne, umjetničke, kulturne, turističke i sportske,
- izdavanje društvenog glasila, publikacija i priručnika za učenje češkog jezika,
- poslovne, profesionalne, privredne.

Udruženje će se posebno zalagati za ostvarivanje i zaštitu građanskih, nacionalnih i vjerskih prava i sloboda svojih članova, kao i pomagati socijalno ugrožene članove. Udruženje će posebno usmjeriti aktivnosti kod organa vlasti Češke Republike na dobijanju državljanstva onim članovima koji na to imaju pravo po važećim češkim propisima.

Član 9.

Programski ciljevi Udruženja su:

- razvijanje i afirmacija duhovnosti i svijesti zasnovanih na tradicionalnim, kulturnim i civilizacijskim vrijednostima zemlje svojih predaka Češke Republike,
- očuvanje i njegovanje češkog jezika,
- prezentacija češke kulture u BiH, kao i bosanskohercegovačke kulture u Češkoj Republici,
- širenje i produbljivanje saznanja i vijesti o prisustvu i djelovanju Čeha na tlu BiH, kao i o njihovoj ulozi u njenom razvoju,
- uspostavljanje i razvijanje suradnje sa kulturnim, prosvjetnim, naučnim i sportskim ustanovama u BiH, Češkoj Republici i svijetu,
- podrška i pomoć članovima Udruženja u školovanju, stručnom, umjetničkom i sportskom usavršavanju u BiH, Češkoj Republici i svijetu.

Član 10.

U realizaciji utvrđenih programskih ciljeva Udruženje će neposredno surađivati sa diplomatsko-konzularnim predstavnicima Češke Republike u BiH, a u Češkoj Republici sa

odgovarajućim državnim i drugim društvenim i privatnim organizacijama koje su zadužene i zainteresovane da se brinu za građane češkog porijekla u dijaspori.

Član 11.

Radi uspješnog obavljanja navedenih djelatnosti i njihovog razvoja i sa ciljem uvećanja njihove materijalne osnove za rad, zapošljavanja svojih članova i socijalnog djelovanja, Udruženje može osnovati poslovne jedinice različitog statusnog ustrojstva (agencije i sl.), kao i preduzeća, kako u BiH, tako i u Češkoj Republici, koje bi pored osnovne funkcije zastupanja i obezbjeđenja komunikacija sa maticom, imale zadatak da djeluju komercijalno.

Odluke o osnivanju poslovne jedinice, odnosno o učešću u osnivanju preduzeća donosi Skupština Udruženja na prijedlog Upravnog odbora.

Udruženje u cilju informisanja članstva i šire, te realizacije programskih zadataka pokreće glasolo «Češka beseda» koji izlazi povremeno.

SREDSTVA ZA OSTVARIVANJE CILJEVA

Član 12.

Sredstva za ostvarivanje ciljeva udruženja obezbjeđuju se od članarina, priloga, obavljanja poslova iz svoje djelatnosti, sponzoriranjem od trećih lica, kao i iz drugih izvora u skladu sa zakonom. Udruženje može imati sponzore i u Češkoj Republici. Udruženje će zvanično zahtijevati od Vlade Češke Republike da iz budžeta ili na drugi način finansira dijelove godišnjeg programa za koji ima interes.

Član 13.

Udruženje slobodno raspolaže pokretnom i nepokretnom imovinom, kao i vlastitim finansijskim sredstvima. O sredstvima Udruženja vodi se evidencija u skladu sa Zakonom. Materijalnim sredstvima upravlja Upravni odbor u skladu sa Zakonom i godišnjim finansijskim planom.

Sredstva Udruženja koriste se isključivo za ostvarivanje ciljeva Udruženja.

Član 14.

Upravni odbor donosi na kraju kalendarske godine Izvještaj o radu Udruženja i Finansijski izvještaj i isti prezentira Skupštini na usvajanje.

Izvještaji se smatraju usvojenim kada se za njih izjasni najmanje (2/3) prisutnih članova na Skupštini Udruženja.

Ukoliko se isti ne usvoji vratit će se Upravnom odboru na doradu i prezentovat će se na prvoj sjednici Skupštine.

PRAVA I OBAVEZE ČLANOVA UDRUŽENJA

Član 15.

Članovi Udruženja mogu biti građani češkog porijekla Kantona Sarajevo ka i članovi njihove (uže obitelji), ako prihvataju odredbe, ciljeve i zadatke urvrđene ovim Statutom.

Član 16.

Članovi Udruženja mogu biti i građani koji ne ispunjavaju uvjete iz prethodnog člana, a svojim angažiranjem unapređuju rad Udruženja.
Odluku o tome donosi Upravni odbor Udruženja.

Član 17.

Članovi ravnopravno učestvuju u radu Udruženja, daju prijedloge, predlažu inicijative, učestvuju u radu organa Udruženja imaju pravo da biraju i da budu birani u organe Udruženja. Svaki član ima pravo da bude informiran o radu Udruženja i svakoj drugoj aktivnosti, a što se postiže javnošću sastanaka.

Član 18.

Članovi Udruženja imaju obaveze i prava da:

- sudjeluju u aktivnostima Udruženja i na taj način doprinose afirmaciji Udruženja,
- savjesno izvršavaju poslove i zadatke za koje su zaduženi,
- svojim ponašanjem i radom čuvaju ugled i interes Udruženja,
- plaćaju članarinu,
- posjeduju člansku kartu.

Član 19.

Člansrvo u Udruženju prestaje:

- istupanjem iz Udruženja uz pismenu ili usmenu obavijest,
- brisanjem iz članstva zbog neopravdanog neučestvovanja u radu Udruženja,
- zbog neplaćanja članatine dvije godine uzastopno,
- smrću,
- kao i iz drugih razloga o čemu odluku donosi Upravni odbor na prijedlog Suda časti.
- Protiv Odluke o isključenju, član ima pravo žalbe Skupštini Udruženja u roku od 15 dana od dana prijema Odluke. Odluka Skupštine je konačna.

Član 20.

O članovima Udruženja se vodi evidencija na način koji utvrdi Upravni odbor.

Član 21.

Redovnim članom se postaje potpisivanjem pristupnice i plaćanjem članarine čiju visinu određuje Skupština Udruženja.

Član 22.

Članovi svoja prava i dužnosti upravljanja u Udruženju ostvaruju kroz tijela, i to su:

- Skupština Udruženja
- Upravni odbor
- Nadzorni odbor
- Sud časti

SKUPŠTINA

Član 23.

Skupština je najviši organ vlasti Udruženja, a sačinjavaju je svi punoljetni članovi Udruženja. Skupština se saziva na prijedlog Upravnog odbora, a vanrednu sjednicu Skupštine može zahtjevati najmanje 1/3 članova pismenim putem.

Skupština se održava prema potrebi, a najmanje jednom u dvije godine.

Mandat članova izabраниh u upravne organe Udruženja traje 4 (četiri) godine, sa mogućnošću obnavljanja mandata.

Član 24.

Radom Skupštine rukovodi predsjedavajući radnog predsjedništva Skupštine koje predlaže predsjednik Udruženja.

Skupština može početi sa radom ako sjednici prisustvuje najmanje ½ članova Udruženja, a punovažne odluke donosi nadpolovičnim brojem prisutnih članova.

U nedostatku kvoruma za održavanje Skupštine, ista se odlaže za pola sata, a nakon toga Skupština održava i punopravno donosi odluke bez obzira na broj prisutnih članova.

Član 25.

Skupština odlučuje o svim bitnim pitanjima od interesa za rad Udruženja, a naročito:

- usvaja Statut i program rada Udruženja,
- usvaja izmjene i dopune Statuta na prijedlog Upravnog odbora ili na prijedlog najmanje 1/3 prisutnih članova Skupštine,
- bira organe Udruženja i daje smjernice za rad,
- usvaja izvještaj Upravnog odbora i Nadzornog odbora,
- razmatra izvještaje o prihodima i rashodima Udruženja, usvaja finansijski plan i završni račun Udruženja,
- donosi odluke o udruživanju u saveze i organizacionom povezivanju sa drugim organizacijama,
- odlučuje o visini članarine,
- odlučuje o prestanku rada Udruženja,
- odlučuje o zadnjem stepenu povodom žalbi na pojedinačne odluke Upravnog odbora, Nadzornog odbora ili Suda časti,
- vrši i druge poslove vezane za rad i djelovanje Udruženja kojima se unapređuju aktivnosti Udruženja i doprinosi njegovoj afirmaciji,
- u posebnim uslovima kao što su ratne blokade ili slični rizici, Skupština može prenijeti svoju nadležnost na Upravni odbor.

Zaključci se verifikuju na prvoj sjednici.

O radu Skupštine vodi se zapisnik koji potpisuju predsjedavajući Skupštine, predsjednik ili potpredsjednik Udruženja (jedan od dvoje imenovanih) i zapisničar.

UPRAVNI ODBOR

Član 26.

Upravni odbor sačinjava 7 (sedam) članova, predsjednik, 2 (dva) potpredsjednika, sekretar, blagajnik i 2 (dva) člana.

Upravni odbor rješava operativne zadatke, priprema sjednice Skupštine i provodi zaključke Skupštine Udruženja.

Upravni odbor djeluje kao kolektivni organ.

U slučaju da Skupština ne izabere predsjednika iz bilo kojeg razloga, Skupština ovlašćuje izabrani Upravni odbor od 7 (sedam) članova da između sebe imenuje osobu koja će zastupati Udruženje i obnašati funkciju predsjednika. Skupština odmah zakazuje prvi sastanak imenovanog Upravnog odbora.

Član 27.

Predsjednik Upravnog odbora obavlja slijedeće dužnosti:

- izvršava odluke iz oblasti finansijskog poslovanja,
- odlučuje o stvaranju materijalnih obaveza do visine iznosa za koji ga je ovlastila Skupština,
- potpisuje finansijska i pravna akta iz domena djelatnosti Udruženja,
- osigurava zakonitosti rada i poslovanja Udruženja,
- rukovodi Upravnim odborom kao i Skupštinom Udruženja, te koordinira radom drugih oblika aktivnosti Udruženja,
- obavlja i druge poslove vezane za rad i djelovanje Udruženja.

Član 28.

U odsutnosti predsjednika jedan od potpredsjednika ga zamjenjuje.

Jedan od potpredsjednika je zadužen za organizaciju i brigu oko finansijskih poslova, a drugi za kulturno prosvjetnu i informativnu djelatnost.

Član 29.

Sekretar operativno koordinira rad organa i drugih tijela Udruženja i brine se za efikasno i kvalitetno izvršavanje zadataka, a naročito:

- stara se o izvršenju zaključaka i odluka Upravnog odbora i Skupštine Udruženja,
- stara se o vođenju cjelokupne evidencije Udruženja,
- rukovodi stručnom službom,
- obavlja i druge poslove koje mu povjeri predsjednik Upravnog odbora.

NADZORNI ODBOR

Član 30.

Nadzorni odbor sastoji se od tri člana koje imenuje Skupština, a koji između sebe biraju predsjednika.

Članovi Nadzornog odbora ne mogu biti članovi tijela upravljanja Udruženja.

Nadzorni odbor se sastaje jednom godišnje, a predsjednik može zakazati i vanrednu sjednicu.

Nadzorni odbor vrši nadzor nad poslovanjem Udruženja, a naročito:

- vrši pregled izvještaja o poslovanju i finansijski izvještaj,
- daje mišljenje o realizaciji programa rada i finansijskog plana Udruženja,
- vodi računa da se finansijsko poslovanje Udruženja vrši u skladu sa finansijskim propisima,
- prisustvuje godišnjem popisu pokretne i nepokretne imovine i traži otklanjanje utvrđenih manjkavosti,
- obavlja i druge poslove vezane za finansijsko poslovanje i rad Udruženja.

SUD ČASTI

Član 31.

Sud časti sastoji se od tri člana-suca, koja imenuje Skupština, a koji između sebe biraju predsjednika.

Sud časti rješava sporove između članova Udruženja, te između članova i upravnih tijela Udruženja.

U slučaju težih oblika narušavanja ugleda i interesa Udruženja, Sud časti predlaže Upravnom odboru poduzimanje disciplinskih mjera u skladu sa težinom slučaja.

ORGANIZACIJA, ZASTUPANJE I PREDSTAVLJANJE UDRUŽENJA

Član 32.

U pravnom prometu i javnim aktivnostima Udruženje predstavlja i zastupa predsjednik Udruženja.

Mandat lica za zastupanje i predstavljanje je 4 godine, sa pravom reizbora.

U odsustvu predsjednika njegove ovlasti za zastupanje i predstavljanje izvršava jedan od potpredsjednika.

Predsjednik može da ovlasti sekretara ili drugo lice da zastupa i predstavlja Udruženje u konkretnom pravnom poslu.

Član 33.

Pored redovnih organa Upravni odbor može prema ukazanoj potrebi formirati odbore, komisije, centre, odjeljenja, sekcije ili druga tijela za pojedine oblasti djelovanja, a odluku o tome donosi Skupština Udruženja.

Odbori, komisije, centri, odjeljenja ili druga tijela nemaju svojstvo pravnog lica i u pravnom prometu istupaju pod nazivom Udruženja uz naznaku svog naziva.

Radi obavljanja stručno-operativnih poslova raznih oblika aktivnosti, koji proističu iz programskih ciljeva i zadataka Udruženja, Skupština Udruženja može da formira stručnu administrativnu, finansijsku ili drugu službu.

POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPĆIH AKATA UDRUŽENJA

Član 34.

Kada se utvrdi da postoje opravdani razlozi, Skupštini Udruženja može se podnijeti zahtjev za donošenje novog Statuta ili izmjene i dopune postojećeg Statuta.

Inicijativu mogu podnijeti:

1/3 članova Udruženja

Upravni odbor Udruženja

Nadzorni odbor

Inicijativa se dostavlja Predsjedniku Skupštine koji istu prezentira na prvoj sjednici skupštine i ako je opravdan, dostavlja Upravnom odboru radi izrade prijedloga Statuta ili prijedloga izmjena i dopuna statuta.

Član 35.

Utvrđeni prijedlog Upravni odbor dostavlja Skupštini na usvajanje. Prijedlozi su usvojeni ako je za njih glasalo najmanje (2/3) prisutnih članova na Skupštini Udruženja.

UVJETI I POSTUPAK ZA PRIPAJANJE, RAZDVAJANJE ILI TRANSFORMACIJU UDRUŽENJA

Član 36.

Udruženje se može udruživati u:

- Savez udruženja koja se bave istom problematikom,
 - i sa drugim udruženjima i nevladinim organizacijama koji imaju iste ili slične ciljeve.
- Udruženje se može pripojiti drugom udruženju, ili drugoj nevladinoj organizaciji, može se razdvojiti na dva ili više udruženja, i može se transformirati u drugi oblik, o čemu Skupština donosi odluku u kojoj će regulirati šta sa imovinom za slučaj nastanka navedenih promjena.

Član 37.

Udruženje može biti član raznih NVO mreža, asocijacija od lokalnog do međunarodnog nivoa.

Odluku o učlanjenju iz prethodnog stava donosi Upravni odbor.

Član 38.

Odluku o pripajanju, razdvajanju ili transformaciji, donosi Skupština (2/3) većinom.

PRELAZNE I ZAVRŠNE ODREDBE

Član 39.

Ovaj Statut stupa na snagu kada se za njega izjasni većina članova na Skupštini Udruženja i primjenjuje se danom usvajanja.

Usvajanjem izmjena Statuta od strane Skupštine i imenovanjem Upravnog odbora na Izornoj Skupštini postupiće se shodno važećem Zakonu o udruženjima i fondacijama.

Član 40.

Udruženje prestaje da radi kada Skupština Udruženja donese odluku o prestanku rada ili kada nadležni sud saglasno Zakonu donese odluku o prestanku rada Udruženja.

U slučaju prestanka rada Udruženja, izvršiće se popis cjelokupne imovine, sastaviti likvidacioni bilans, izmiriti obaveze, a preostala imovina povjeriti na pohranu i čuvanje nadležnom organu, prema važećim propisima odnosno povjereniku kojeg saglasno odluci Skupštine Udruženja odredi taj organ, dok se steknu uvjeti za ponovno djelovanje Udruženja.

U Sarajevu, _____

Predsjedavajući Skupštine
